



Na osnovu člana 14.3 stav (6) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20104, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16 ), člana 80. Pravilnika o načinu provođenja izbora u Bosni i Hercegovini („Službeni glasnik BiH”, br. 29/18, 62/18 i 69/18)) i Odluke o raspisivanju i održavanju prijevremenih izbora za gradonačelnika Grada Doboj, gradonačelnika Grada Trebinje, načelnika Općine Bosansko Grahovo, načelnika Općine Bosanski Petrovac, načelnika Općine Bužim, načelnika Općine Domaljevac-Šamac, načelnika Općine Drvar, načelnika Općine Kakanj i načelnika Općine Ribnik broj: 06-1-07-1-1469-1/18 od 10.12.2018. godine, Centralna izborna komisija Bosne i Hercegovine je na 95. sjednici, održanoj 10.12.2018. godine, d o n i j e l a

## UPUTSTVO

### **o rokovima izbornih aktivnosti za održavanje prijevremenih izbora za gradonačelnika Grada Doboj, gradonačelnika Grada Trebinje, načelnika Općine Bosansko Grahovo, načelnika Općine Bosanski Petrovac, načelnika Općine Bužim, načelnika Općine Domaljevac-Šamac, načelnika Općine Drvar, načelnika Općine Kakanj i načelnika Općine Ribnik**

#### **Član 1.**

Ovim Uputstvom utvrđuju se rokovi izbornih aktivnosti za provođenje prijevremenih izbora za gradonačelnika Grada Doboj, gradonačelnika Grada Trebinje, načelnika Općine Bosansko Grahovo, načelnika Općine Bosanski Petrovac, načelnika Općine Bužim, načelnika Općine Domaljevac-Šamac, načelnika Općine Drvar, načelnika Općine Kakanj i načelnika Općine Ribnik (u daljem tekstu: izbori).

#### **Član 2.**

- (1) **Rokovi teku** od 11.12.2018. godine.
- (2) **Prijave za ovjeru političkih stranaka i nezavisnih kandidata** podnose se Centralnoj izbornoj komisiji BiH najkasnije u roku od 7 dana od dana raspisivanja izbora, odnosno u periodu od 11.12.2018. godine zaključno sa 17.12.2018. godine, do 16.00 sati.
- (3) **Zahtjevi za ovjeru koalicija** podnose se Centralnoj izbornoj komisiji BiH najkasnije u roku od 14 dana od dana raspisivanja izbora, odnosno zaključno sa 24.12.2018. godine, do 16.00 sati.
- (4) **Krajnji rok za registraciju novih birača koji glasaju putem pošte** je 20 dana od dana raspisivanja izbora, odnosno ističe 30.12.2018. godine.
- (5) **Prijavu kandidata ovjereni politički subjekti** podnose Centralnoj izbornoj komisiji BiH najkasnije 21 dan od dana raspisivanja izbora, odnosno zaključno sa 31.12.2018. godine, do 16.00 sati.
- (6) **Žrijebanje za utvrđivanje redoslijeda političkih subjekata na glasačkim listićima** obaviti će se u sjedištu Centralne izborne komisije BiH u Sarajevu, Danijela Ozme br. 7, dana 04.01.2019. godine, u 12.00 sati.
- (7) **Odluku o ovjeri kandidata za učešće na izborima** Centralna izborna komisija BiH donosi najkasnije u roku od 10 dana od dana podnošenja prijave, odnosno najkasnije do 10.01.2019. godine.
- (8) **Objava konačnih listi kandidata u službenim glasilima** obaviti će se najkasnije 20 dana prije dana održavanja izbora, odnosno do 28.01.2019. godine.
- (9) **Centralni birački spisak** se zaključuje 20 dana prije dana održavanja izbora, odnosno zaključno sa 28.01.2019. godine.

(10) **Procedura upisa birača koji glasaju putem mobilnog tima** traje od 29.01.2019. godine do 08.02.2019. godine.

(11) **Objavljivanje broja upisanih birača u Centralni birački spisak** obaviti će se u roku od 17 dana prije dana održavanja izbora, odnosno najkasnije do 31.01.2019. godine.

(12) **Imenovanje članova biračkih odbora** vrši nadležna općinska/gradska izborna komisija u skladu sa sljedećim rokovima:

a) Nadležna općinska/gradska izborna komisija imenuje članove biračkih odbora i dostavlja akte o imenovanju članova biračkih odbora Centralnoj izbornoj komisiji BiH najkasnije u roku od 15 dana prije dana održavanja izbora, odnosno do 02.02.2019. godine.

b) Obuka članova općinskih/gradskih izbornih komisija održat će se najkasnije u roku od 20 dana prije dana održavanja izbora, odnosno do 28.01.2019. godine.

c) Obuka članova biračkih odbora održat će se u periodu od 15 dana do 7 dana prije dana održavanja izbora, odnosno od 02.02.2019. godine do 10.02.2019. godine.

(13) **Određivanje lokacija biračkih mjesta, objavu i dostavu podataka o određenim lokacijama Centralnoj izbornoj komisiji BiH**, nadležne općinske/gradske izborne komisije obaviti će najkasnije u roku od 15 dana prije dana održavanja izbora, odnosno najkasnije do 02.02.2019. godine.

(14) **Štampa izbornog materijala** izvršiti će se u periodu od 21.01.2019. godine do 07.02.2019. godine, a **dostaviti će se** općinskim/gradskim izbornim komisijama do 14.02.2019. godine.

(15) **Medijsko predstavljanje političkih subjekata** počinje 15 dana prije dana održavanja izbora, odnosno od 02.02.2019. godine.

(16) **Neposredno obraćanje političkih subjekata putem elektronskih medija** počinje 15 dana prije dana održavanja izbora, odnosno od 02.02.2019. godine.

(17) **Zahtjevi za akreditiranje posmatrača političkih subjekata** podnose se izbornim komisijama najkasnije 7 dana prije dana održavanja izbora, odnosno do 10.02.2019. godine.

(18) **Zahtjevi za akreditiranje posmatrača udruženja** podnose se Centralnoj izbornoj komisiji BiH najkasnije 7 dana prije dana održavanja izbora, odnosno do 10.02.2019. godine.

(19) **Zabrana objavljivanja rezultata ispitivanja javnog mnijenja** počinje 48 sati prije otvaranja biračkih mjesta i traje do zatvaranja biračkih mjesta, odnosno u periodu od 15.02.2019. godine u 07,00 sati do 17.02.2019. godine do zatvaranja biračkih mjesta.

(20) **Zahtjevi za akreditiranje međunarodnih posmatrača** podnose se Centralnoj izbornoj komisiji BiH najkasnije 1 dan prije dana održavanja izbora, odnosno do 16.02.2019. godine.

(21) **Izborna šutnja** počinje 24 sata prije otvaranja biračkih mjesta i traje do zatvaranja biračkih mjesta, odnosno u periodu od 16.02.2019. godine u 07,00 sati do 17.02.2019. godine do zatvaranja biračkih mjesta.

(22) **Centralna izborna komisija BiH će posebnom odlukom formirati Glavni centar za brojanje** za izbore najkasnije do 15.02.2019. godine.

(23) **Unos i obrada rezultata izbora elektronskim putem** vrši se od 17.02.2019. godine u sljedećim rokovima:

a) prikupljanje obrazaca sa biračkih mjesta od 20,00 do 20,30 sati

b) unos rezultata od 20,30 do 21,00 sat

c) objava preliminarnih nezvaničnih i nekompletnih rezultata izbora 22,00 do 22,30 sati.

(24) **Birački odbori vrše dostavu rezultata glasanja i kompletan izborni materijal do nadležne općinske/gradske izborne komisije**, najkasnije u roku od 12 sati po zatvaranju biračkih mjesta, odnosno do 18.02.2019. godine do 7,00 sati.

(25) **Općinska/gradska izborna komisija dostavlja zapisnike sa objedinjenim zbirnim rezultatima glasanja na nivou općine/grada** Centralnoj izbornoj komisiji BiH najkasnije 24 sata po zatvaranju biračkih mjesta, odnosno najkasnije do 18.02.2019. godine, do 19,00 sati.

(26) **Krajnji rok za prijem glasačkog materijala za glasače putem pošte**, je pet dana od dana održavanja izbora, odnosno zaključno sa 22.02.2019. godine, sa otiskom pečata pošte sa datumom održavanja izbora.

(27) **Utvrđivanje i objavu rezultata izbora** Centralna izborna komisija BiH obaviti će najkasnije u roku od 10 dana od dana održavanja izbora, odnosno do 27.02.2019. godine.

(28) **Podnošenje zahtjeva za ponovno brojanje glasačkih listića** vrši se u roku od 3 dana od dana objave utvrđenih rezultata izbora.

(29) Nakon isteka roka i pravosnažnosti odluka po žalbama, Centralna izborna komisija BiH će potvrditi rezultate izbora i objaviti ih u službenim glasilima.

### Član 3.

Ovo Uputstvo će se objaviti u “Službenom glasniku BiH”, “Službenim novinama Federacije BiH”, “Službenom glasniku Republike Srpske”, “Službenom glasniku Brčko Distrikta BiH” i na web stranici Centralne izborne komisije BiH [www.izbori.ba](http://www.izbori.ba).

Broj: 06-1-07-1-1469-2/18

Sarajevo, 10.12.2018. godine



Predsjednik

Blanko Petrić